



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 212

DATUM: 05.02.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana sjednica Komisije za međunarodne veze, saradnju i evropske integracije

Saradnja Grada Sarajeva i Saveza općina i gradova Federacije BiH

BFC Federacije BiH za povoljnu poslovnu saradnju u jedinicama lokalne samouprave

Ambasada Republike Mađarske zainteresovana za sufinansiranje uređenja korita u Čitluku

U razvoju poduzetništva i obrta u 2016. godini Općina Kakanj će uložiti 365.000 KM

U Sarajevu otvoreno muzičko stepenište

Jačanje kapaciteta jedinica lokalne samouprave u Jugoistočnoj Evropi

ENC ljetnja škola 2016

Objavljen Poslovni barometer Vijeća stranih investitora

Najava obilježavanja dana općina za mjesec februar / veljača

Bilten Saveza općina i gradova Federacije Bosne i Hercegovine

ODRŽANA KOMISIJA ZA MEĐUNARODNE VEZE, SARADNJU I EVROPSKE INTEGRACIJE

U Sarajevu je, 28. januara/siječnja u prostorijama Saveza općina i gradova FBiH održana sjednica Komisije za međunarodne veze, saradnju i evropske integracije. Sjednici su ispred općina prisustvovali: Ismar Alagić, Đuro Topić, Hazim Novalić, Dragomir Lučić i Jasmin Šahović, ispred Delegacije Evropske unije u BiH je prisustvovao Džemal Hodžić, dok su ispred Saveza bili prisutni Vesna Travljanin i Zlata Turkić. Komisija je usvojila Deklaraciju Mreže asocijacija lokalnih vlasti jugoistočne Evrope (NALAS) o suočavanju lokalne samouprave s utjecajem i izazovima izbjegličke krize u jugoistočnoj Evropi, donešena zbog činjenice da su općine Jugoistočne Evrope prve na udaru priliva izbjeglica. Deklaracija će se uputiti Predsjedništvu Skupštine Saveza na razmatranje i usvajanje. Komisiji je predstavljena informacija o projektima koji se sprovode u saradnji sa međunarodnim organizacijama GIZ/ORF-a i NALAS-a. Projekti koji su bili predstavljeni su:

- Prikupljanje podataka o čvrstom otpadu u jugoistočnoj Evropi (SWDC);
- Upravljanje čvrstim otpadom u prekograničnim ruralnim i obalnim područjima regiona jugoistočne Evrope (SWMRCA);
- Lokalni dužnosnici jugoistočne Evrope: vodstvo za promjenu (LLSEE);
- Upravljanje imovinom za sektor vodosnabdijevanja i odvodnje u jugoistočnoj Evropi (AM).

Komisija je prihvatila Izvještaj sa Radionica na temu Priprema sektorskog planskog dokumenta IPA II i zaključila da iz Sektorsko strateškog dokumenta, koji će biti usvojen do polovine februara 2016.godine, treba što je moguće više namijenjenih sredstava proslijediti jedinicama lokalne samouprave.

Džemal Hodžić, ispred Delegacije Evropske unije u BiH, je naveo niz projekata čiju će implementaciju finansirati Evropska unija u 2016. godini, a to su:

- Podrška lokalnim partnerstvima u zapošljavanju;
- Integrirani lokalni razvoj;
- Podrška malim i srednjim preduzećima.

Na kraju je istakao da su jedinice lokalne samouprave od 2007. godine, sve više predmet interesovanja u implementaciji IPA Programa.



SARADNJA GRADA SARAJEVA I SAVEZA OPĆINA I GRADOVA FEDERACIJE BIH



Dana 15.12.2015. godine u prostorijama Gradske uprave Grada Sarajeva održan je sastanak kojem su ispred Gradske uprave prisustvovali Ivo Komšić, gradonačelnik Grada Sarajeva i Mila Eminović, savjetnica gradonačelnika za pravna pitanja, a ispred Saveza općina i gradova Federacije BiH prisutne su bile Vesna Travljanin, direktorica Saveza i Selma Fišek, viši saradnik za pravna pitanja. Tema zajedničkog sastanka je bilo aktueliziranje saradnje između Grada Sarajeva i Saveza općina i gradova Federacije BiH.



Istaknuta su dva bitna pitanja i to: rješavanje statusa Grada Sarajeva u Predsjedništvu Skupštine Saveza općina i gradova Federacije BiH, te pitanje plaćanja članskog doprinosa Savezu. Gradonačelnik Ivo Komšić je istakao da je Grad Sarajevo spreman da se aktivno uključi u rad Saveza, istakavši da će asocijacije lokalnih vlasti sasvim sigurno imati važnu ulogu u predstojećim procesima priključivanja evropskim integracijama. Također je naglašeno da se za narednu sjednicu Skupštine Saveza ostavi pitanje rješavanja statusa Grada Sarajeva u Predsjedništvu Skupštine Saveza, jer to pitanje i spada u skupštinsku nadležnost. Gradonačelnik je izrazio spremnost da Grad Sarajevo nastavi uplaćivati članski doprinos Savezu počev od 01.01.2016. godine, te je dogovoreno da je potrebno iznaći modalitete za rješavanje pitanja dugovanja Grada Sarajeva za članski doprinos što uključuje period 2013.-2015. godina.

BFC FEDERACIJE BIH ZA POVOLJNO POSLOVNO OKRUŽENJE U JEDINICAMA LOKALNE SAMOUPRAVE

Načelnik Općine Gradačac Edis Dervišagić potpisao je ugovor sa Regionalnom razvojnom agencijom REDAH ugovor za certificiranje Općine Gradačac kao područja sa povoljnim poslovnim okruženjem. Program Certifikacije povoljnog poslovnog okruženja u jugoistočnoj Evropi / Business Friendly Certification South East Europe (BFC SEE) je jedinstven regionalni program za unapređenje konkurentnosti lokalnih samouprava, koji se provodi u Bosni i Hercegovini, Hrvatskoj, Makedoniji i Srbiji. Program je namijenjen općinama i gradovima koji imaju odgovarajuće kapacitete i strateški su opredijeljeni da unaprijede poslovni ambijent, privuku investicije i podstaknu razvoj lokalne ekonomije.



Općine i gradovi koji se uključe u program dobijaju regionalni rang konkurentnosti prema ocjeni kvaliteta usluga koje pružaju investitorima i privrednicima, konkretne smjernice za unapređenje poslovanja, kao i priliku da učestvuju u regionalnoj razmjeni najboljih praksi. Certificirane općine se pozicioniraju kao najnaprednije u regionu i kvalifikuju se za podršku nacionalnih i međunarodnih institucija i donatora, uz aktivnu promociju na regionalnom i međunarodnom nivou. Interes jedinica lokalne samouprave za ulazak u ovaj proces je značajan i u tom smislu BFC Mreža Federacije BiH za povoljno poslovno okruženje nastavlja raditi sa općinama i gradovima na ispunjavanju uslova za certifikaciju.

Nakon općine Sanski Most koja je certificirana u 2013. godini do sada imamo ukupno 3 općine na području Federacije BiH sa certifikatom. Općina Tešanj i Žepče su na samom kraju 2015. godine uspješno zaključili proces certifikacije i postale općine nosioci certifikata sa povoljnim poslovnim okruženjem.

Na putu do BFC certifikata općine trebaju ispuniti 12 kriterija i više od 80 pot-kriterija koji podrazumijevaju unapređenje procedura, jačanje transparentnosti, smanjivanje birokratije i pribavljanje svih dokumenata i podataka neophodnih privrednicima i potencijalnim ulagačima u planiranju poslovanja i donošenju investicionih odluka. Proces evaluacije općine ili grada traje oko godinu dana i predviđeno je recertificiranje svako 2 godine.

Nakon općine Sanski Most koja je certificirana u 2013. godini do sada imamo ukupno 3 općine na području Federacije BiH sa certifikatom. Općina Tešanj i Žepče su na samom kraju 2015. godine uspješno zaključili proces certifikacije i postale općine nosioci certifikata sa povoljnim poslovnim okruženjem.

AMBASADA REPUBLIKE MAĐARSKE ZAINTERESOVANA ZA SUFINANSIRANJE UREĐENJA KORITA U ČITLUKU



Načelnik općine Čitluk Ivo Jerkić sa saradnicima razgovarao je u svom uredu sa dr. sci. Dominikom Horvat, zamjenicom ambasadora za ekonomska pitanja Ambasade Republike Mađarske. Glavna tema sastanka bila je mogućnost saradnje Općine Čitluk i Ambasade Republike Mađarske u realizaciji projekta „Čišćenje korita potoka „Lukoć“ u Potpolju“. Dr. sci. Dominika Horvat u Čitluk je doputovala kako bi se bolje informisao o navedenoj temi. Okom razgovora načelnik općine Čitluk Ivo Jerkić informisao ju je i o izgradnji pročistača otpadnih voda u Potpolju, kao i realizaciji projekta

izgradnje pumpne stanice, tlačnog voda i glavnog kolektora za kanalizaciju Međugorja i Bijakovića.



Grb Općine Čitluk

Tokom posjete zamjenica ambasadora Republike Mađarske razgledala je pročištač otpadnih voda u Potpolju i dio korita potoka Lukoč, a nakon iskazanog zadovoljstva sudionika sastanka za očekivati je potpisivanje sporazuma o donaciji kojim bi Općina Čitluk i Veleposlanstvo Republike Mađarske uredili međusobne odnose, te prava i obveze vezane za projekt čiju bi realizaciju trebali zajednički financirati.

U RAZVOJ PODUZETNIŠTVA I OBRTA U 2016. GODINI OPĆINA KAKANJ ĆE ULOŽITI 365.000 KM

Na 39. sjednici Općinskog vijeća Kakanj koja je održana 28. januara/siječnja 2016. godine usvojeno je nekoliko veoma važnih programa utroška sredstava iz Budžeta Općine Kakanj. Između ostalog, usvojen je Prijedlog programa utroška sredstava iz Budžeta Općine Kakanj za podsticaj razvoju poduzetništva i obrta za 2016. godinu kojim je definirano ulaganje 365.000 KM



budžetskih sredstava, javljaju iz Press službe Općine Kakanj.

Ovaj iznos se raspoređuje na sljedeće projekte:

1. Refundacija troškova osnivanja obrtničkih, trgovačkih i ugostiteljskih radnji i dijela troškova osnivanja preduzeća - d.o.o. u 2016. godini - 30.000,00 KM

Na ovaj način refundiraju se troškovi osnivanja obrtničkih, trgovačkih i ugostiteljskih radnji i dio troškova osnivanja preduzeća - d.o.o. u 2016. godini. Kroz ovaj podsticaj nastoji se povećati broj i održivost preduzeća/obrt na području općine Kakanj, doprinijeti razvoju poduzetničke svijesti, te povećati broj zaposlenih na području naše općine. Pravo na podsticaj imaju fizička i pravna lica koja registruju djelatnost i osnuju firmu kao obrtničku, trgovačku ili ugostiteljsku radnju ili kao društvo sa ograničenom odgovornošću - d.o.o. na području općine Kakanj u 2016. godini. Refundacija troškova osnivanja firme ne odnosi se na osnivački kapital, već na troškove notarske obrade dokumenata, sudske i administrativne takse, te izradu pečata firme.

2. Projekat - „Pokreni svoj posao u Kaknju” - 95.000,00 KM

Ovim podsticajem predviđeno je sufinansiranje pokretanja, kao i održavanje malih biznisa - preduzeća - d.o.o, obrta i srodne djelatnosti, za mlade i nezaposlene osobe sa područja općine Kakanj, koje se nalaze na evidenciji Biroa za zapošljavanje i planiraju registrovati djelatnost ili su već registrovali djelatnost u 2016. godini.

3. Sufinansiranje Projekata u saradnji sa humanitarnim i nevladinim organizacijama shodno potpisanim ugovorima o saradnji (HELP i World Vision) - 30.000,00 KM

Shodno potpisanim ugovorima o saradnji i realizaciji Programa iz oblasti lokalnog ekonomskog razvoja (obrt, turizam i poljoprivreda), Općina Kakanj ima obaveze u sufinansiranju ovih projekata u 2016. godini. Cilj projekata je olakšati održivi ekonomski razvoj kroz podršku jačanju privatnom sektoru, očuvanje starih zanata, modernizacija poljoprivredne proizvodnje i podrška razvoju privatnih turističkih kapaciteta (nabavka i modernizacija alata i opreme za proizvodnju, ulaganje u privatne turističke kapacitete, podizanje kapaciteta kroz poslovne edukacije, certifikaciju proizvodnje u poljoprivredi, standardizaciju i kategorizaciju u turizmu i dr.).

4. Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj - 95.000,00 KM

Ovom vrstom podsticaja omogućava se nezaposlenim osobama sa završenom srednjom školom, bez obzira na radno iskustvo, priprema za rad kroz obuku, stručno osposobljavanje i usavršavanje, u konkretnom poslovnom okruženju posebno kada su u pitanju nove metode i tehnologije rada u sektoru privrede.

5. Regresiranje kamata po kreditima odobrenim u komercijalnim bankama u 2016. godini za poduzetnike i obrtnike sa područja općine Kakanj (osim za trgovine i ugostiteljstvo) - 35.000,00 KM

Na ovaj način se regresiraju kamate po kreditima odobrenim u komercijalnim bankama u 2016. godini za poduzetnike i obrtnike sa područja općine Kakanj (osim za trgovine i ugostiteljstvo), i to isključivo za kredite korištene radi ulaganja u registrovanu djelatnost korisnika kredita.

KORISNI LINKOVI ZA PREDPRISTUPNE FONDOWE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cb-cro-bih-mne.org
www.srb-bih.org
www.cb-cro-bih.net
www.programmed.eu
www.facso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Kakanj



Kamata se regresira na godišnjem nivou. Maksimalna nominalna kamatna stopa koja se regresira iznosi do 8%. Minimalan iznos kredita na koji se može regresirati kamata je 5.000,00 KM, a maksimalni iznos je 30.000,00 KM, s tim što je period otplate kredita do 5 godina. Općina Kakanj se obavezuje da će korisniku podsticaja refundirati kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama.

6. *Finansiranje (refundacija) bruto plaće zaposlenika UPOK-a - 14.500,00 KM*
U cilju poboljšanja poslovnog ambijenta na području općine Kakanj registrovano je Udruženje poslodavaca općine Kakanj „Centar za podršku biznisu“. Za obavljanje administrativnih poslova Udruženje je zaposlilo sekretara. Kako bi podržali rad pomenutog Udruženja i dali podršku razvoju privatnog sektora iz Budžeta Općine Kakanj će se finansirati bruto plaća sekretara Udruženja za 2016. godinu.

7. *Promocija razvoja poduzetništva i obrta - 5.000,00 KM*

Iz navedenih sredstava planira se finansirati promocija poduzetnika i obrtnika, medijsko predstavljanje, obavještavanje o podsticajima, sajmovi i dr.

8. *Neisplaćeni podsticaji iz Budžeta Općine Kakanj za 2015. godinu - 43.648,00 KM*
Shodno potpisanim ugovorima o realizaciji projekta „Pokreni svoj posao“ obaveza Općine je da pored sufinansiranja nabavke sredstava za rad, repromaterijala, opreme i sl, za registrovanu djelatnost, za korisnike predmetnog podsticaja refundira i troškove obaveznih doprinosa za period od 12 mjeseci. S obzirom da su predmetni ugovori potpisani sa korisnicima Projekta 1.6.2015. godine realizacija Projekta će se nastaviti u 2016. godini. Shodno ugovorenim obavezama o realizaciji projekta „Pokreni svoj posao“ u 2015. godini ostalo je neisplaćeno 43.648,00 KM, a ista će se isplatiti u tekućoj godini.

9. *Rezervna sredstva - 11.852,00 KM*

Sredstva za hitne i nepredviđene aktivnosti u oblasti poduzetništva i obrta koje se pojave tokom budžetske godine, u skladu sa utvrđenim kriterijima ovog Programa.

U SARAJEVU OTVORENO MUZIČKO STEPENIŠTE

Radovi na sanaciji klizišta i rekonstrukciji stepeništa u sarajevskoj Pruščakovoj ulici, Mjesna zajednica "Trg oslobođenja -Centar", su završeni, gdje je 2. februara priređeno zvanično otvorenje za građane. Načelnik općine Centar Dževad Bećirević je kazao da je građanima ustupljeno stepenište, ali i jedan objekat koji će ostati budućim generacijama. "Ovim stepeništem izgrađeno je neko novo prepoznatljivo mjesto, neka nova "Čeka" i "Slatko čoš". Izgrađeno je novo mjesto susreta, poznanstava i ljubavi, a vidim da je ono već postalo prepoznatljivo po svojoj jedinstvenosti", rekao je Bećirević. Projekat u Pruščakovoj ulici je finansirala Općina Centar koja je iz budžeta izdvojila oko 700.000 KM. S obzirom na ambijentalnu cjelinu stepeništa koje se nalazi u neposrednoj blizini kulnog okupljališta "Sloga" i Šahovskog kluba "Bosna", arhitekti su prilikom izrade projekatne dokumentacije predvidjeli da svako odmorište tematski bude u vezi s najpoznatijim muzičkim izvođačima ili grupama koje su obilježile zlatni period "Sloge".



Na svakoj klupi na odmorištu je postavljena kratka biografija odabranih muzičara s posebnim audio uređajima putem kojih će prolaznici moći slušati najpoznatije numere: Indexa, Bijelog dugmeta, grupe Merlin i Pro Arte, te predstavnika pokreta New Primitives, kao i Rock Under Siege, vokalnog ansambla Prijatelji. Na odmorištu kod Šahovskog kluba "Bosna" postavljen je sto sa šahovskim figurama, saopćeno je iz Općine Centar.

Na svakoj klupi na odmorištu je postavljena kratka biografija odabranih muzičara s posebnim audio uređajima putem kojih će prolaznici moći slušati najpoznatije numere: Indexa, Bijelog dugmeta, grupe Merlin i Pro Arte, te predstavnika pokreta New Primitives, kao i Rock Under Siege, vokalnog ansambla Prijatelji. Na odmorištu kod Šahovskog kluba "Bosna" postavljen je sto sa šahovskim figurama, saopćeno je iz Općine Centar.

JAČANJE KAPACITETA JEDINICA LOKALNE SAMOUPRAVE U JUGOISTOČNOJ EVROPI

Radionica na temu "Program urbanog partnerstva - Jačanje jedinica lokalne samouprave u jugoistočnoj Evropi" održat će se 09.02.2016. u Sarajevu u hotelu Europa sa početkom u 11.00 sati. Program urbanog partnerstva je otpočeo sa radom u februaru/veljači 2015. godine, a cilj programa je jačanje kapaciteta jedinica lokalne samouprave u jugoistočnoj Evropi i pružanja praktičnih alatki lokalnim izabranicima i službenicima za efikasno upravljanje urbanim razvojem u svrhu inkluzivnog i održivog rasta.

Projekat je finansiran sredstvima Fonda za poticaj lokalnog razvoja u okviru ILDP, u iznosu od oko 30. 000 KM. Općina Novo Sarajevo za adaptaciju kompletnog prostora Centra izdvojila je 220.000 KM.



Grb Općine Centar Sarajevo



Program urbanog partnerstva (UPP II) ima za cilj jačanje kapaciteta lokalnih uprava i nudi participatorne pristupe i alatke u tri programske komponente: (1) Samoprocjena finansija lokalnih uprava, (2) Društvena odgovornost i (3) Inicijativa za izgradnju integriteta. Ovakav pristup omogućava unapređenje dobrog javnog upravljanja uključujući poboljšanje odgovornosti, transparentnosti, efikasnosti i povjerenje građana/ki, poslovnih subjekata i investitora. Obzirom da se implementira u Albaniji, Bosni i Hercegovini, Hrvatskoj, Kosovu, Makedoniji, Crnoj Gori i Srbiji UPP II nudi mogućnosti za

regionalno umrežavanje i razmjenu iskustva između lokalnih uprava koje učestvuju u programu. Cilj radionice je prezentovati sadržaj sve tri programske komponente, praktične alatke i pristupe, te informisati općine učesnice radionice kako da apliciraju za učešće u programu. Predviđeni učesnici radionice su donosioci odluka u lokalnim upravama Bosne i Hercegovine, odnosno, gradonačelnici, načelnici, pomoćnici načelnika, sekretari općina i drugi viši službenici u lokalnoj upravi. Prijave za radionicu su se primale do 01.02.2016. na mejl adresu emina.abrahamsdotter@proffs.ba (voditeljica tima), i cc: renato.juriscic@proffs.ba (asistent na projektu). Za dodatna pitanja nazovite 061 482 247.

Cilj radionice je prezentovati sadržaj sve tri programske komponente, praktične alatke i pristupe, te informisati općine učesnice radionice kako da apliciraju za učešće u programu.

ENC LJETNJA ŠKOLA 2016

Otvoreni regionalni fond za Jugoistočnu Europu-Energetska Efikasnost (ORF-EE), implementiran od strane Deutsche Gesellschaft für Internationale Zusammenarbeit (GIZ), zajedno sa Energetskom Zajednicom (EnC), provode EnC Ljetnu Školu 2016. Riječ je o prvoj ljetnoj školi Energetske Zajednice, koja će se održati u periodu od 03 do 10 septembra 2016. godine u Tirani, Albanija. Partnerska institucija i domaćin Ljetne Škole je Univerzitet Polis iz Tirane. Škola je namijenjena magistrantima i doktorantima, te mladim stručnjacima, istraživačima, NVO sektoru iz regiona jugoistočne Europe i šire. Tema škole je energija kao i niz drugih podtema koje se vežu za energiju kao glavnu temu. Predavači programa su renomirani stručnjaci i akademici. Učešće i smještaj učesnika su plaćeni od strane organizatora. Krajnji rok za apliciranje je 31.03.2016. Sve dodatne informacije možete dobiti na e-maila ili sazdovski@giz.de ili putem [linka](#).

Energy Community Summer School 2016
POLIS University, Tirana, Albania, 3 – 10 September 2016

Don't bury your head in the sand –
Launch your energy future today!



KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmamed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OBJAVLJEN POSLOVNI BAROMETAR VIJEĆA STRANIH INVESTITORA



Prvi izvještaj „Poslovni barometar” je ključna aktivnost za Vijeće stranih investitora u BiH (VSI BiH) realizovana u saradnji sa Projektom unapređenja lokalnog razvoja (GOLD), kojeg zajednički finansiraju Američka agencija za međunarodni razvoj (USAID) i Švedska međunarodna agencija za razvoj i saradnju (Sida).

Izvještaj navodi rezultate istraživanja i nivo zadovoljstva članica Vijeća stranih investitora poslovnim okruženjem, prepreke s kojima se suočavaju investitori, njihove planove za reinvestiranje i stvaranje više mogućnosti za zapošljavanje u Bosni i Hercegovini.

[POSLOVNI BAROMETAR](#)
[INFOGRAFIKA](#)



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC FEBRUAR/ VELJAČA

DAN OPĆINE ODŽAK - 08. februar/veljača su 1996. godine prvi povratnici predvođeni policijskim snagama vraćaju u svoje domove.

DAN GRADA MOSTARA - 14. februar/veljača se 1945. godine 26. dalmatinska divizija ušla u Mostar. Nešto kasnije do grada su se probile i 19. dalmatinska i 29. hercegovačka divizija, a već oko 19 sati, na taj dan, gotovo sve njemačke i ustaške snage su napustile Mostara.

DAN OPĆINE BUŽIM - 20. februar/veljača je 1995. godine Predsjedništvo RBiH Uredbom sa zakonskom snagom formiralo općinu Bužim.

DAN OPĆINE LJUBUŠKI - 21. februar/veljača je 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.

DAN OPĆINE JABLANICA - 22. februar/veljača je dan sjećanja na oslobođenje grada u Drugom svjetskom ratu.

DAN OPĆINE JAJCE - 22. februar/veljača se prvi put pisano pominjanja grad Jajca 1396. godine u Povelji iz dubrovačkog arhiva.

DAN OPĆINE VELIKA KLADUŠA - 23. februar/veljača je dan sjećanja na prvo oslobađanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.

DAN GRADA BIHAĆA - 26. februar/veljača je 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.

